

۱ مارت


۱۹۲۶

تورک تاریخ انجمنی

اون آلتنجی سنه

نومرو ۱۴ (۹۱)

مجموعه سی



معروضات

يوسف اغانك برادری مصدق بك دخی اول ائشاده محل اقامتی اولان قیصه به دن صاوشوب قوزانه كيدر ايكن دوه لی قضا سنده طوتلوب اعاده ايدلش ایدی . ارتق قوزان اوغلارندن بتون بتون امنیتمز منسلب اولدی انلر بویله قوزانه قریب محللرده بولندقه راحت طوریه جقلری اكلاشدی . بناء علیه صامسونه بر بلكك واپور جلب ايله جمله سی بولندقلری يرلردن صامسونه اينديريله رك استانبوله كوندرلشلاردر . قوزانك تحریرفنوسی هنوز ختام بولمديندن اكل نواقصی ایچون قول قول مأمورلر تعین ايدلش وسائر محللره نمونه واعائه عسکریه توزیعنه وسیله اولق اوزره سیس قصبه سنك قرعه سی چكلمشدر قوزان شرقیده دخی اسماعیل پاشا طرفدن قرعه چكلمكه باشلانمش وخاچن قصبه سنك اعائه عسکریه سی توزیع اولنمشدر . و سیس ايله اطنه اره سی صیرقندی عسیرتنك قیشلاغی اولقله بوراده قریه لر تشکیلیله عسیرت مرقومه نك اسكانه تشبث قیلنمشدر .

فرقه اصلاحیه یی فسخ ایتمکسزین معیت مأمورلردن بعضاریخی او طرفده ترك ایدرك درویش پاشا ايله برلکده مرسیندن واپوره بنك اوزره بینمزده قرار ویرمش اولدیفمز جهته سیس جوارندن حرکت اولنه رق اطنه نك اوست طرفنده واقع تومسك یره كلش ایكن فرقه اصلاحیه ده قولرا خسته لنی کلیا زائل اولوب اطنه وطر سوسده ایسه یکی باشلامش اولدیفنه مبنی پیاسدن واپوره بنمكه نیت اولندی . و بوراده اطنه ايله اختلاطدن ممنوع اوله رق چندروز اقامت ايله بالخابره تسویه اموره مجبور اولدق .

دده بلك پدری مصدق پاشا درسعادته بولنقله كندوسنك دخی روم ایلی جانبنه آشیرلمسی مصمم ایدی اما علی بكر اوغلی اغایه بر مقدار معاش تخصیص ايله اطنه ده اقامه سی مصمم ایكن برادری دلی فقی کاور طاغنده قالوب عرض دخالت ایلدیکندن ونه وقت اولسه اوراچه برغائله چیقارمی ملحوظ اولدیفندن علی اغانك دخی اطنه ده براغلمسته جسارت اولنه میوب دده بك ايله برلکده نیشه قدر كوندرلشلاردر .

منمنجى اوغلى احمد بك ايله قرصاتى اوغلى فرقه اصلاحيه كلدیلر . بزم
 نیتمز ايسه احمد بكي اطنه مجلس كيرى اعضالغنه تعین ايله اورايه نقل خانه وقرصاتى
 اوغلنه بر مقدار معاش تخصیص ايله بر محله اقامه ایتدیرمك ایدی انلر فرقه اصلاحیه یی
 طایموب یرلرنده ابقالری ايسه اصلاحاتك استقرارینه مانع اوله جفندن طوتلوب
 در سعادته کوندرلمری ایچون یاور پاشایه امر ویرلدى اودخی بر آراقق آنلری طوتوب
 در سعادته کوندردی احمد بکه شهریه بشیک غروش معاش تخصیص ايله وفاتنه قدر
 در سعادته اقامه ایدلش وقرصاتى اوغلى ده روم ایلی جانبنه کوندرلشدر .
 اطنه جه اولان ایشلر من تسویه اولندقدن صکره سیس و قورت قولاغی طریق
 ايله پیاسه وارلدى . عزیر خاندانندن معهود امام بك خرج ناميله جانب میردن
 مبالغ کلیه المقده اولدینی حالده حکومت محلیه دن امین اولدینی جهتله دائرة حکومت
 کلوب کیتمز ایدی . پیاسه طوغری حرکتزده بزم یانمز ده دخی کلدی بناء علیه
 بر آراقق اخذ ايله در سعادته کوندرلمسی پیاس سنجانی قائمقامی ویس افندی یه تنبیه
 اولندی . اره سی چوق وقت کچموب ویس افندی انی اخذ ايله در سعادته
 کوندرمکه اکا دخی شهریه ایکی بیک غروش معاش تخصیص اولنه رق در سعادته
 اقامه ایدلشدر .

(در سعادته عودت اولدینی)

پیاس جهتنده کی امور اصلاحیه ایچون مأمورلره تعلیمات لازمه اعطا ایدلکدن
 صکره پیاسدن واپوره را کبا حرکت ايله (۱۲۸۲) سنه سی جمادی الاخره سی
 او اخرنده در سعادته واصل اولدق .

اول اثناده امور مالیه نك اصلاحی ایچون ملغا مجلس تنظیلات راده سنده و مجلس
 والانك فوقنده اوله رق مجلس عالی خزان ناميله بر مجلس تشکیل اولنوب مأموریت
 عاجزانم دخی مجلس والا اعضالغندن مجلس عالی خزان اعضالغنه تحویل بیورلش
 ایدوکنه مبنی بوجه بالا در سعادته عودت اولندقدن بومجلسه دوام ایتکه باشلاقم .
 لکن فرقه اصلاحیه فسخ اولنماش ایدوکنندن فرقه اصلاحیه عائد ایشلر ايله ده مشغول
 اولمقدن ایدم . چقور او واده بازار یری دیو معروف اولان ایکی محل وار ایدی بری عثمانیه
 قصبه سی پیشگاهنده برواسع وکوزل موقع اولوب عثمانیه قضاسنه مرکز اولمق اوزره

بوراده بر قصبه انشاسی مصمم ایدی . دیگرى ذوالقدریه دولتک قیشلهسى اولان بر قصبه یری اولوب قارص ذوالقدریه قضاىسنه مرکز اولق اوزره بوراده دخی بر قصبه انشاسی مقرر ایدی . ارکان حربیه دن حسین حسنى بك ذوالقدریه قضاىسنه براغلمش اولدیغندن همان ذوالقدریه قصبه سنك انشاسینه مباشرت ایلش اولدیغنه منى انکله بوکا دائر مخبره ایدیوردم .

سیس واطنه طرفلرند خیمه نشین اولدیغمز ائاده فرقه اصلاحیه نك حسابلى رؤیت ودفترلردى تنظیم وپیاسدن واپوره بندیکمزده تدقیق و تحریر ايله تصدیق اوله رق برخلاصه پوصله یابلمش وکرك حلب کرك مرعش واطنه جهتلىله برابلیشکمز قالمیوب اهالىنك مطلوباتى نقدا ویا حواله تسویه ایدلمش و فوق العاده ایچون صرف اولنان مبالغه چوغى متعسر الحصول اولان بقایا ايله قیدلمش ایدی . و بوسنه بودجه یه فرقه اصلاحیه نك مصارف فوق العاده مى اوله رق قرق بیک کیسه اچمه قونعشیکن مجلس والا رئیسى کامل پاشا جودت افندی متصرف بر ذاتدر بونی یکریمى بشیک کیسه ايله اداره ایدر دیمش اولدینى حالده آلتی آلیق مصارف فوق العاده مرکز مجموعى دوت بیک درتیوز کیسه راده سنده ایدی . بو یالکیز کاور طاغ نك ضبطى برسنه ایچنده متعسر الحصول برکیفت اولدینى حالده کاور طاغى وکرد طاغى واره ده کی عشارله برابر قوزانك بالسهوله التى آى ظرفنده اله کچمى مجرد اثر توفیق الهى اولان فوق العاده بر کیفیت ایدی . اوله بیلرجه اوغراشیله رق حصوله کله بیله جک ایشلرک بتوفیقه تعالى ازمصرفله التى ایده حاصل اولیورمى جالب استحسان اولق طبیعى ایکن عکس مشاهده اولندی .

شویله که در سعادته کلوبده درویش پاشا ايله برلکده مصارف فوق العاده مرکز حساب قطعىنى مبین اولان خلاصه پوصله سنى فوآد پاشایه تقدیم ایتدی کمزده لسان تشکرله افرین دیه جک یرده اینامادىغنى مشعر سوزلر سویلدى تأمینات کافیه ویردک سوزى طولاشدیروب باشقه وادیلره عطف لجام کلام ایتدی . مصارف فوق العاده نك بوقدر از کوسترلسندن وشمدى یه قدر سوق اولنان اردو و فرقه لرك حتى سوریه یه قدر مصارف فوق العاده سنك بیله حسابلى هنوز رؤیت اولنماش اولدینى حالده فرقه اصلاحیه مصارف فوق العاده مى حساب قطعىنك میدانه قونلسدن طولایى نمون اولدیغنى اکلاندى .

مكر اقدجه عقداولنان راستقراضك اسباب موجه سندن برى ده فرقه اصلاحيه نك مصارف فوق العاده سى اولديغندن مصارفك بويله قطعى صورتده از كوسترلى وكلاتك مسلك پوليقيسه نه مغاير ايمش .

حالبوكه هر شيه معترض اولان مجلس عالى خزان رئيسى بيوك رشدى پاشانك دامادى اولوب فرقه اصلاحيه ده اركان حربه رئيسى بولنان ميرالاي حسين بك بوكره بزمه برابر در سعادته كلنجه مصارف فوق العاده نك مقدارى قاين پدرينه سويلش او دخى بونى سرمايه اعتراض ايدرك جاتم بو استقراضلر نيچون اوليور قوزان فرقه سى دنيايى دتردى انك ده مصارف فوق العاده سى بشيك كيسه يه وار مامش ديو سويلنمكه باشلامش بوتعريض ايسه فؤاد پاشايه زياده طوقيوردى . ايشك لانياتى آكلاديم كى مصارف فوق العاده بچشدن كفلسان ايتدم . درويش پاشا ايسه شوراده بوراده فرقه اصلاحيه نك كمال انضباطندن وحسن اداره سندن بحث ايله مباحات ايديورمش . حالبوكه دائره عسكريه ده دشمنلرى چوقايدى على الخصوص قائم مقام سرعسكرى حسين عونى پاشا انك شان وشهرت قازانمى هيچ ايستمزدى . بناء على ذلك فرقه اصلاحيه ايله در سعادتن چيقدنغمز زمان بزه چوق شيلر وعد اولمش ايدوكندن بوكره موقتا در سعادته كلديكمزده هيچ اولماز ايسه حامل اولديغمز ايكنجى رتبه عثمانى نشانلرينك برنجى به تبديلى مقرر ايكن عونى پاشا بو ايش عسكرى ايفاي وظيفه يولنده عادى بر خدمتدر ديمش اولديغندن فوق العاده بر خدمت صره سنده طولش اولماق ايچون نشان ايله تلطيفمزدن دخى انماض عين اولدى . فقط سلطان عبدالعزيز خان حضرتلى درويش پاشا ايله قوللرني حضور هايونلرينه جلب ايله تلطيف بيوردى وبرر مرصع محفظه ويردى .

قوزانده ايكن قوللرينك مقام مشيخته كتورلمكلكم ايچون ينه سوز اولمش لكن مأموريت عاجزينك تراكت واهميتندن بحثله وقتىز استانبوله جلب مناسب اولميه جنى مدار معذرت اتخاذ اولمش مشيخت عبيدانه ايسه بعض افام وكلاتك مطالعه نه مغاير ايمش . فؤاد پاشا دريادل بر ذات اولوب طرف عاجزى يه حسن توجه و محبتى وار ايسه ده بر ادم ايچون رفقاسندن آريله مازدى پوليقيه عالمى بر بشقه تالدر كشى قزنداشى اولسه فدا ايدر .

مقدمات مشروحه به نظرا اوقیشین اطنه ده یا خود مرعشده قیشله میوبده موقتا اولسون در سعاده کلکده خطا ایتش اولدیقمز تین ایتشدیر .

(قاضیسکرلکک وزارتہ تبدیلی)

طریق علمیه نك تنظیمندن صکره مراتب علمیه نك منتهای اولان قاضیسکرلکک وزارتہ معادل اعتبار اولنه کلشدیر مدرسلکدن میر میرانقله چیقوبده صکره وزیر اولنلر چوق ایسه ده مدرسلکدن وزارت الان اوچدرکه کوپرلی زاده فاضل احمد پاشا ویکیشهرلی مدرس عثمان پاشا وشروائی زاده محمد رشدی پاشادر .

اما قاضیسکرلکدن وزیر اولان یالکمز بو قوللریدر مکہ واستانبول پایه لرنده ایکن قوللرینه مکررا وزارت تکلیف اولندیفی حالده اعتذار ایتمشیدم وزارت غائله سنه اوغراق ایسته مزدم وقاضیسکرلکدن وزیر اولنلک امثالی اولدیقتدن بو سنه کیدرکن عهد عینده انه قاضیسکرلکک رتبه سی احسان بیوردقده هله وزارت غائله سنندن قورتولدیم دبه بمنون اولمشیدم . بونک ابتدا قوللرنده تجربه اولنه جنی خاطره کلمه مشیدی . فوآد پاشا وزارتدن اجتنابک سببی صور دقده (افندیم طریق علمیه ده وسعت معاش یوقدرلکن امنیت واردر اداره سنی بیلن برقاضیسکرلکک پایه ایله قت قناعت کینور صکره بر منصب اولور اندن بر سنه صکره بر مقدار پاره قازانور انکله دفع احتیاج ایدر بورجی ویرر وفوق العاده مصارفی قپار کیمسه به عرض احتیاج ایتکه محتاج اولماز . وزرا ایسه منصوب ایکن بول بول پاره لر اولرلر لکن عزللرنده وکلايه یوز صوپی دوکهرک منصب ایچون عرض نیازه مجبور اولورلر . ایشته داعیکزه بوراسی کوچ کلور) دیمشیدم . واو زمان استانبول پایه لرینک لااقل شهریه اوچ بیک بشیوز غروش و صدارت اناطولی پایه لرینک یدی بیک وروم ایلی پایه لرینک طقوز بیک غروش ارپه لقلری وار ایدی . واسکیلرینک ارپه لقلری اون بیک غروشه طولدیریلور ایدی . فوآد پاشا بالمناصبه بورالرینی حضور هایونه عرض ایتش اولدیقتدن بوکره سلطان عبدالعزیز خان حضرتلری حائز اولدیقم قاضیسکرلکک رتبه سنک رتبه وزارتہ تبدیلی قطعی امر وفرمان وآرپه لقی بدلی اوله رق قید حیات شرطیه بابرات عالی شهریه اون بیک غروش معاش ذاتی احسان بیورمقله (۱۲۸۲) سنه سی شعبانکک یکرمی بشنجی کونی فوآد پاشا

طرفندن واقع اولان دعوت اوزرینه قوناغنه کیتدم خارجه ناظری عالی پاشا حاضر اولدینی حالده مابین هایون باش کاتبی امین بک اراده سنیه قطعی بیان ایندکده کوردم که ایش ایشدن کچمش اعتذاره مجال یوق همان صارینی چیقاروب فس ایله قالدیم فوآد پاشاده برقات البسه ویردی کیوب مابین هایونه کیتدم سلطان عبدالعزیز خان حضر تتری اول کون صباحلین کندوسنه کیمک ایچون حاضر لانتش اولان البسه بی کوندردی کیدم حضور هایونه کیردم فوق العاده التفات و تلطف هایونه مظهر اولدم . بعده سلطان عبدالعزیز خان حضر تتری مابین هایون درزینسه امر ایدوب چا کرلرینه برقات اونیفورمه وبرقاج قات عادی البسه یاپدردی ولوازم وزارتی تدارک ایچون یوزاللی بیک غروش احسان بیوردی .

بار کران وزارت التته کیرمکدن محتجب ایدم بولندیم طریق علمیه نیک منتهایی اولان قاضی عسکرک راده سنه چیققدن صکره تبدیل طریق ایچه کوچ کلدی لکن صکره حسن افندی نیک مشیختنده رتب علمیه ابدال اولنهرق رتب قلمیه کبی صرف برامر اعتباریدن عبارت قالدجه طریق علمیه شان و شهرتی ضایع ایتکه تبدیل طریق ایتش اولدیغمدن طولانی نمون قالمشدر .

اول وجهله رتبه عاجزانهم وزارت تحویل اولندقدمه مأمور تجه برشی دنیلیمه مشیدی صکره فوآد و عالی پاشا ل شمدی سزه بر مأموریت بولمیزی دیو نازکانه فتح باب مذا کره ایتدیلر چالبوکه طشره اعزام ملتزم اولدیغنی اولجه تفرس ایتشیدیم . بناء علیه تعیین مأموریت خصوصی کندولرینک تنسینه براقدیغمده فرقه اصلاحیه ایله خیلی اصلاحات یاپدیکنز بونک تأسیسی ینه سزک همتکزه موقوفدر دیهرک حلب واطنه ایالتلری برلشدریلهرک برولایت تشکیل اولنق اوزره عهده چا کر یه تفویضی تکلیف ایتلری اوزرینه اوت اصلاحاتک تأسیسی واضعلرینه حواله ایتک موافق حکمندر دیدم .

اوزمان زور واورفه سنجاقلری حلب ایالتنه و پیاس وقوزان سنجاقلری اطنه ایالتنه مربوط اولوب مرعش دخی اصلاحیه سنجاغیله برابر مستقل برمتصرفلق ایدی جله سی برلشدریلهرک برجسم ولایت تشکیل ایله عهده چا کر یه توجه بیورلدی که قیصریه حدودندن بغداد حدودینه دک تمتد برولایت اولدی . ولایت اصولی ابتدا طونه ولایتنده تجربه اولنوب بعده بوسنه وسوریه ولایتلری

دخی اکا تطبیقا تشکیل اولمشدر حلب ولایتک تشکیلاتی دخی اکا توفیق اولنق طبیعی ایسه ده طونه ولایتی نظامنامه سننده مجالس اداره اعضاسیله مجالس دعاوی میزلینک نصفی مسلم ونصفی غیرمسلم اولق مصرح اولوب حالبوکه حلب ولایتنده قضالر وارکه هیچ غیر مسلم یوق یاخود وجود ویرمه جک قدر پک از اولدیغندن حلب ولایتنده نفوسک مقدارینه کوره غیرمسلم اعضا و میزلیک نصفه قدر اولملری تعبیریه حلب ولایتی نظامنامه سی تعدیل ایتدیرلدی .

دیگر ولایتلر والیرینک فرمانلرینه تطبیقا قوللرینه ده برقطعه فرمان عالی اصدار بیورلدی . بوندن باشقه جنایات متحققه اصحابنک مستحق اولدقلری مجازات قانونیه بی مثالنه ارائه عبرت سریعه ایچون بعدالحکم طوغریدن طوغریه اجرا ایتدکن صکره اوراقلک تقدیمی مأذونیت فوق العاده سنی حاوی دیگر برقطعه فرمان عالی دخی ویرلدی .

درویش باشانک حال وموقعی مشکوک ومبهم کی ایکن بو ائشاده جبل لبناجه ظهوره کن قاریشقلق وسیله سیله خلال رمضانده ماموریتی دردنچی اردوی هایوندن بشنچی اردوی هایون مشیرلکنه تحویل وعجالة موسم شتاده سوریه یه اعزام قیلندی وفرقه اصلاحیه تحت نظارت عاجزیده اولق اوزره قوماندانلنی قورت اسماعیل باشایه احاله اولندی .

برحله سوق عسکر اولق لازم کلدیکی حالده محلی مجلسنجه بر مضبطه تنظیم ایله اوراده بولنان قوماندانه اعطا اولندیکی کی قوماندان در حال اورایه سوق عسکر ایتمک اصول ونظامی اقتضاسندن ایدی فقط ولایت اصولی تشکیل اولنان یرلرده مجلس مضبطه سی رینه والینک تذکره سی قائم اولق اصول اتخاذا اولندی . حلب بشنچی اردوی هایونک مواقعدن اوله رق اوراده بر فرقه سی بولنوردی بوفرقه ایله معامله عاجزانهم دخی اویولده اوله جق ایدی اما مرعش وقوزان واطنه جهتنده بولنان فرقه اصلاحیه طوغریدن طوغریه معیت چاکری به ویرلش اولدیغندن حلب ولایتک تشکیلات ملکیه سی نظاماتنک تنظیمیه مشغول اولدیغم حالده برطرفدن دخی فرقه اصلاحیه نک ایشلریله مشغول ایدم .

فرقه اصلاحیه نک درسیم وبالجمله کردستانی طولاشه رق اناطولی قطعه سنی کاملا اصلاح ایتمک مقرر ایکن بو ائشاده افلاق وبغدانده ظهور ایدن قاریشقلق اوزرینه

طونه ولايتنده براحتياط اردوسى تشكىلنه قرار ويريلوب فرقه اصلاحيه دن دخى برقاچ طابورك مقدار كافى نقيه حيواناتيله برابر درسعاده اعاده سى طرف چا كرى يه امر اولندى و اناطوليك عموم اصلاحاتى تاخير اولنوب ده شمديك اصلاحات واقعه نك تأسيسيله اكتفا اولمى تحت قراره آلندى .

زيتون حقنده حالى پاشانك راينى صوردم واليك صفتيله نه يابار ايسهك ياپ قوماندان نامى اولسون ديدى قوللرى ده بوايشده قوللامنى اوزره فرقه اصلاحيه ده بروجه بالا ياورلك ايله رفاقت چا كرده بولنان حسين حسنى بكك برمدنچك ده رفاقتمه بولمى رجا ايتدم اكاده مساعده اولندى .

حلبه عزيمت اولندينى

موسم بهار ياقلاشدى قوللرى ده حاضرلاندیم بربكك فرقتين واپور ویرلدى . پولتيقه مأمورى (واصو افندى) واصو پاشا ايله سائر معيت مأمورلرى استصحاب ايدرك واپوره كيندم . فوآد پاشا واپوره كلوب بزلى تشييع ايله تلطيف ايتدى . (۱۲۸۲) سنه سى شوانك اوناليسنده حركت اوله رق اسكندرونه واصل اولدق حلب فرقه عسكريه سى قوماندانلقدن بريلوك سوارى نظاميه كوندرملكه چا كرلرلى الوب حلبه كوتورديلر . سنه مرقومه واخلرنده حلبه واصل اوله رق تشكيلات ولايته باشلاندى .

ولايتلك دائره لرى جسيم اولدينى كى اقسامى اولان سنجاوق و قضاى دخى اكا كوره بيوك اولمق اصول ولايت اقتضاسندن اولمقله او بولده حلب ولايتى دخى تشكيل اولندى .

بروجه بالا طونه ولايتنده براحتياط اردوسى تشكىل اولنه جقدن خاصه اردوى هايوننك فرقه اصلاحيه ده كى طابورلرى اعاده اولندينى صروده اوچيوز بو قدر يار كير دخى كوندرلدى .

اصلاحات واقعه دن قوزان اهالىسى ممنون ايسه لرده قوزان اوغللرينك عساكر خاصه سى حكمنده اولوب برقاچ يوز كشيدن عبارت بولنان اتباعى كروهى مملكت صرتندن كچنور بر كروه اولمقله انلر بواصلاحاتدن خوشنودكللرايدى وانلرك بعضيلرى ضبطيله لكده استخدام اولنقده ايسه لرده بعضيلرى ده بوش كزيورلردى . و برده چقور

اوه عشاثرينك بر قسمى سىواس طرفنده وباقيسى چقور اوده اسكان اولنوب
 كوجه لكه الشمس اولان خلق ايسه بدايت امرده اسكاندن متنفر اولمقله انلرده
 بواصلاحندن خوشنود دكلار ايدى . و بروحه بالا يوسف اغانك فرارى وقعه سنده
 قوزان شرقى سر سريلى ششخانه قورشونلرينك طاديني طاتمشر ايسه ده قوزان
 غرينك سر سريلى بوني طاتمشر اولدقلرندن اختلال وعصيان قيام ايدوب اشقياي
 عشاثردن بر كروه دخى انلره قاتيله رق بيلانكويده كي طابورى محاصره ايتمشر .
 قورت اسماعيل پاشا بوندين خبر النجه مرعشه موجود . مصتي اولان عسكرله
 او طرفه سكرتدى . قوزان ضبطيه بيكباشيسى كنج اوغلان اوغلى احمد اغا ايسه
 وقعه دن خبر آلدينى كي قارص ذوالقدريه وقوزان شرقى اهايسندن بش التيوز
 قدر تفنك انداز جمع ايله بيلانكويه كيتمش و سبس مركزى يوز باشيسى وزير اغا
 قرجه لر عشيرتندن بشيوز قدر تفنك انداز ايله او طرفه سكرتمش اولدقلرى صرده
 بالاده وضعى سبق ايدن حاجى عمر افندى عصاصنى انه آلوب كتخدالرك قبولرينى
 اورهرق بزم سفهرمز پادشاهك عسكرينى محاصره ايتمشر چابوق يتشك امداد ايدك
 يوخسه دنيا و آخرته مسئول اولورسكز ديمكه كتخدال در حال بشيوز قدر
 تفنكى ايله اوتة طرفدن بيلانكوى اوزرينه يورمشر . بيلانكويى محاصره ايتمش
 اولان جمعيت اشقيا بويه هر طرفدن تضيقه باشلاندينى صرده قورت اسماعيل پاشا
 دخى عساكر شاهانه ايله يتشوب اختلالى باصديرمش واشقيادن براق يوزينى طوتوب
 استنطاق الته المش در .

اول ائنده كاور طاغى طرفنده دخى انضباطه خلل كلمكه قوللريده مرعشه
 كيدوب اصلاحيه واولاشلى طاغلرينه قدر مأمورلر اعزاميله اسايشك تقريريه
 مسارعت اولندينى صرده بو اويغونسز قلرك مرعش متصرفلرقلنى طرفندن وقوعه
 كتيريلن سوء اداره دن منبث اولدينى اكلاشلايدىغندن همان درسعاده عرض ايله
 مرعش متصرفنى عزل ايتديرمكه مجبور اولدم .

مرعشه مهم ايشلرك تسويه سندن صكره اندرين قضاسى طريقه قارص
 ذوالقدريه طاغلرى ايشلهرق چقور اويه اينديكمده ارکان حربيه دن حسين حسنى
 بك استقبال ايتدى وقارص ذوالقدريه قصبه سنه كتوردى .

كچن سنه بوراسى بازار یری دنيلان برخالى صحرا ايكن بوكزه مجدالتيوز بو قدر

خانه و برخيلى دكانلار ياپلار ق برىكى قصبه پيدا اولدينى نظر منونيتله كورلدى. خانلار ياپلور ايكن تمل ايچون عرصه لر قازلدق. اسكى قارص ذوالقدريه قصبه سنك ائارى كورلش شويله كه بر ارشون قازلدىنى كى رنك اميز چاقيل طاشلردن مصنوع باغچه طرحلى ظهور اتمش و پك چوق ابنه طاشلى بولنه رق مجددا خانه و دكانلر انشا اولمقده ايدى. همته قلعە سى جوارنده اسكان اولنان بوزطغان عشىرتى دخى تمل اتمق ايچون يرلى حفر ايدرلر ايكن پك چوق ابنه قديمه طاشلى بولمقده هپ يونمه طاشدن خانلر انشا ايدرلر كوزلر كويلر ياپمشلردى. چكن سنه بورلرده ابنه دكل بر قولبه و صائلق دخى يوق ايكن بازار يرنده اويله بر كوزل قصبه پيدا اولدقن بشقه چقور اوه نك هر طرفنده مجددا گويلر تشكيل ايدلش و قورت اسماعيل پاشانك زوريله عشارك چادرلرى بوزيلوب پارچه لرى خانه لرينه دوشمه ايدلش اولدينى نظر تعجب و حيرت ايله كورلشدر. حسين بكك بو اقدامات فوق العاده سى دخى بوسنه ولايتده ابراز ايلش اولدينى خدمات مبروره سنه علاوة فائقه اولديقندن كندوسنه عظيم تشكر ايدلشدر.

قارص ذوالقدريه قصبه سنك انشاسنه باشلاندينى كى بر كوزل حكومت قوناغى و سائر ابنه ميريه ياپلوب ده اهالى به حسن مثال كوسترلك لازم ايكن هنوز حكومتى طائيش اولان اهالى طرفدن بوقدر خان و دكانلر انشا اولمش و بر طرفدن دخى انشا اولمقده بولمش ايكن حكومت حالا چادر التنده ايدى. شويله كه بر قاچ بيوجك قره چادر تدارك اولنه رق برى حكومت دائره سى اتخاذا اولمش و ايكي سنده مجلس اداره و دعاوى عقد اولمقده بولمش ايدى. و محبوسلر ديكر بر چادرده باغلو اولوب ضبطيه آچيقده ايدى.

سبى بوايدى كه اول ائنده فؤاد پاشا عزل ايله بيوك رشدى پاشا صدراعظم اولوب تقليل مصارف ايچون زرده ابنه ميريه وارايسه تعطيل اولمق و مجددا انشا آتە باشلانماق ايچون باب عالي دن اوامر قطعيه كلشيدى. بزده نه ياپاجغمزى شاشرمش ايدك. واردات و مصارفى بودجه داخلنده بولنان يرلر حقتده باب عاليجه نه ياپلجق ايسه ياپلسون اما اصلاحات دائره سى بوكا مقيس اوله مازدى. خاصه واصلاحيه قشله لرى ياپلوب نقصانلرى آز قالمش پياس سنجاغنده حكومت دائره لرى بالضروره ياپلور قوزان ايسه بتون بتون مستثنا بر حالده ايدى. اهالى به چادرلردن چيچك زده

قصبہلر وکویلر یاپکنز دیو امر ایدن حکومت کندوسنه براویاماز ایسه کلهجک سنه بوجمیت طیاغلمق و دولته عظیم خساری موجب اولق قورقوسی وار ایدی . بورالری بابعالیه اکلایمق ممکن دکل طوغریسی پک مشکل برحاله ایدک .

ایشته بوتأثر وانفعال ایله قارص ذوالقدریه دن قالقبوب سیسه کلورکن اوچ ساعت هپ بموق تارلارینک ایچندن کچدک صاغ طرفزده هپ قوزان طاغرینه دک وصولزده جهان نهرینه دک کوزمک کوردیکی قدر یرلر مزروع اولوب هوا مسک کبی قوقوردی . برآراتق بورنمزه بر فنا قوقو کلدی عیجا برطرفده برلاشمی وار دیو حسین بکدن صوردم (برشی بوق فقط مزروعات ایچندن چقبوب هنوز زراعت اولنامش یرله کلدک بوفنا قوقو اندن کلیور . بزکچن سنه چقور اوده کزدیکمز وقت هپ بوفنا قوقولر ایچندن کچمشز لکن هر طرف برحاله بولندیغندن انی طویامشز شمدی برطرفی زراعت ایله اصلاح اولندیغندن خراب و خالی یرلرک قوقولری بویله طویلور ایشه چقور اوه هواسنک قنالفنه سبب انجق خرابیتی اولدینی واعمار اولنسه هواسی دخی کسب لطافت ایلیه جکی بوندن اکلاشیلور) دیدی . فی الواقع ابن خلدونک تحقیقاتی دخی بونی مؤیددر . لکن چقور اوه بی کاملا احیا واعمار ایچون پک چوق نفوس لازمدر . مقدما کوندربلن ایکی اوچ بیک قدر نوغای مهاجرلری نهر قوبان وادیسی اهاالیسندن اولغله جهان نهری وادیسندن خط ایدرک جهان نهری بوینده ایجه کوزل کویلر یاپوب چقور اوه نک پک کچوک برقطه سنی اعمار ایدیورلردی بوکره بوجه بالا چقور اوه عشائری دخی مجدداً کویلر تشکیل ایتکده ايسهلرده چقور اوه نک وسعی زیاده اولدیغندن خالی یرلری چوق ایدی . . واکرچه بوانشاده پک چوق مهاجرین چرا که دردست اسکان ايسه ده طاغ خلقی اوه لرده یاشامدیغندن انلری طاغلق واورمانلق یرلرده اسکان ایتک لازم کلیوردی .

مع مافیه بزکندی عشیرتلمزی اسکان ایله مجددا قریه وقصبه لر یاپدیغمز حالده حکومت ایچون ضروری الزوم اولان ابنیه انشاسنه باب عالی مانع اولیوردی .

حالبوکه دولتک بودجه سنده داخل اولمان واردات جدیده مزک مقدار جزئیسنی وهیچ اولماز ایسه بوسنه چقور اوده اکیلن پاموقلرک حاصلات عشریه سنی خرج ایلسه ک حکومتجه ضروری الزوم اولان شسیلر وجوده کلوردی . لکن بورالری

باب عاليه تفهيمه قالفشسوق وقته محتاج اولور باب عاليك مراى دى ايشى سنه اتيه ترك ايدوبده ايشته بوسنه مصارفدن شوقدرتصرف ايتدك ديوخا كپاى شاهانه به عرض يله اصلسز برخلوص چاقق ايدى .

ايشته بوقورنديلر ايله قوزان متصرفلغك مركزى اولان سيس قصبه سنه كلديكمزده اسماعيل پاشا ايله كورشك بيلانكوى وقعه سنده دردست ايلديكى برقاچ يوز متهمك استنطاقلى ختام بولش ايسه سنده هنوز حبسخانه انشا اولنماش ايدوكندن محكوم اولان يوز قدر مجرمين اطنه به كوندرلدى .

اختلاله باعث اولان اتباع كروهنك چوغى محاربه ده تلف اولش وبقيه سى طوتلش اولديغندن قوزان اصلاحاتى تاسس ايتمشدر . لكن يكي فتح اولنش وهنوز تشكيل قيلنش اولان قوزان سنجاغك مركزنده حبسخانه اولماق غريب وچيركن بريقيشدر . حالبوكه اطنه حكومت قوناغى مشرف خراب وحبسخانه مائل انهدام اولغله محبوسلر كندولرينك حال مخاطرده اولدقلى كوروب فرياد ايلكده اولدقلى جهته قوزاندن كوندريلن جانيلرى قويه جق برير بولنه مامشيدى .

سيس ايله اطنه ك آره سى اون سكز ساعتك مسافه اولوب بواره ده صيرقندى عشرينك مجددا كويلر ياپمقده اولدينى اطنه به كلوركن نظرمنونيله كورش وبوكويلر برطاقى سيسه وبرطاقى اطنه به الحاق و ايكي ناحيه به تقسيم ايله ميرلرى نصب ايدلش ايسه ده ايكي رده برر كچوك حكومت قوناغى ياپلق لازم كله جكندن بشقه يكي اچلمش وهنوز اله كلش اولان قوزانه اطنه دن كيدوب كله جك پك چوق تيجار اولدينى حاليه اون سكز ساعتك مسافه يي بركونده قطع ايدمه جكلرندن هيچ اولماز ايسه بريجه بيتوت ايچون يارى يولده ويكي ياپلان قريه لك برنده برخان ياپلق لازم كلوب عشار خلقى ايسه بويله شيلرك هنوز اهميتنى تقدير ايدمه جكلرندن بوده حكومتك همتنه موقوف ايدى و خان ياپله جق كويده برمقدار ضبطيه اقامه ايچون بر كچوك قره غولخانه ياپلق لازم ايدى . باب عاليه اتحاد اولنان اصول تصرفيه ايسه بونلك جمله سنه مانع ايدى . حالبوكه تصرف وحسن اداره لزومسز يره پاره خرج ايتمه مك ديمكدر يوخسه تخم پاره سى ويرمه مك وتارلايى معطل براقى اصول تصرف واداريه كليا ميايندر . دولت كندى موازنه سنى دوزلتمك ايچون تزديد وارداته محتاج اولوب بوايسه اعمارملك ايله حاصل اولور . كلور طاغندن وقوزان طاغلرندن

خزینہ جلیله برپاره واردات الماز ایکن بودجه خارجنده برچوق واردات جدیدیه نائل اوله جق بووارداتک تزید وادامه سی ایچون لازم کن مصرفدن صاقنمق عینیه ا کیله جک تخم پاره سنی اسرکه مک ایدی . رشدی پاشا معزول ایکن وکلایه تعریض ایچون بومثللو بحثلری سرمایه مقال ایدرک طاتلی طاتلی سویلردی لکن مقام صدارته کلنجه کاغد اوزرنده بن بوسنه شوقدر تصرف ایتدم بودجه یی دوزلندیم دیمک ایچون طشره احوالی ذهندن چیقارمشیدی . برمدت صکره عزل ایله عالی پاشا صدراعظم وفوآد پاشا خارجیه ناظری اولوب طشره اموری اولدقجه یولنه کیردی وولایت اصولی هرطرفه تعیم اولندی .

(زیتون قضاسنک تشکیلی)

بالاده عرض اولندی فی اوزره والیک صفتیه زیتونک اصلاحه باب عالیدن مأذونیت مطلقه ویرلش ایدوکنه مبنی ارکان حربیه دن رفاقت عاجزیده بولنان حسین حسنی بکه تعلیمات ویریلرک ایکی بلوک ششخانه جی ایله (۱۲۸۳) سنه سی هلالنده زیتون کوندردی .

فرقه اصلاحیه قوماندانی قورت اسماعیل پاشا مرعشده بولنوب زیتونک اوست طرفنده واقع البستانه برمقدار عسا کر نظامیه یرلشدیرلدی قوزاندن برطابور دخی زیتونه جوار اولان کوکسونه کتورلدی دیگر طابورلر دخی حسین بکدن خبرکلدیکی کبی برکونده زیتونه واره بیله جک صورتده تعیمه ایدلدی . زیتونلیر بویه هرطرفدن ابلوقه اولندقلرخی گورنجه حسین بکه مطاوعته مجبور اولدیلر . اودخی هان برر بلوک سواری وپیاده عسا کر ضبطیه ترتیب ایدلدی که کرک ضابطان کرک نفراتنک نصفی مسلم ونصفی ارمنی ایدی وچله سی سچمه ادملر ایدی .

ایشته بوایکی بلوک ضبطیه ایله حسین بک ولایت اصولنه توفیقاً زیتونک اصلاح احواله باشلادی . خبرمز یوق نفس زیتون قصبه سنده قرق قدر اهل اسلام خانه سی واریمش که زیتون قوجه باشیلرینک تحت اداره سنده بولنهرق قرعه عسکریه وتکالیف سائرهدن مستثنا قالشیر جوارنده کی اهل اسلام قریه لری دخی ائله استنادا عسکر ویرمزلر ایمش . حسین بک معیننده کی نظامیه یی احتیاطده طوتوب

بوايى بلوك ضبطه سيله ابتدا اهل اسلامك قرعه لرني چكدى بعد ارمينلرك اعانه
 عسكريه لرني ترتيب و تسويه ايتدى .
 بونك اوزرينه زيتون قصبهسى مركز اولق اوزره مجددا برضا تشكيل قلندى
 وولايت اصوله توفيقاً اعضاسنك نصفى مسلم نصفى غير مسلم اولق اوزره مجلسلر
 تشكيل و قائم مقام و نائب نصب ايله زيتون مسئلهسى حل و تسويه اولندى .
 متعاقباً زيتونده بر اختلال ظهور ايتديسه ده ضبطهسى تحب انضباط و انتظامده
 بولنديغندن حين بك انلرك واسطه سيله او ك اياق اوللرى طوتوب هان تاديب
 ايله اختلالى باصديردى . بعد زيتونك درت قوجه باشليرنى حلبه كوندركله
 درسعاده اعزام اوله رق زيتونك اصلاحاتى اكمل و تاسيس ايدلشدر . واولوقت
 تاسيس اولنان اصول و نظامه رعايت اولندقجه زيتون قضاسنك امن و اسايى
 بردوام قالمشدر .

(كاور طاغنىك اكمل اصلاحاتى)

بالاده عرض اولندينى اوزره على بكه اوغلى على اغا تسليم اولش ايسه ده
 برادري دلى فقى كاور طاغنده قالمشيدى . ياننده كى اشقيا برقاچ يوزكشيدن عبارت
 ايسه ده موقعلرى غايت صارب اولديغندن استيصاللرى پك مشكل ايدى . حالبوكه
 اوصره ده اشقيا نيك برطاقى پياس جهته اينهرك ابنائى سبيله تعرض ايدرلردى .
 بو حال اوزره قالسه لر كيتدكجه جمعيتلرى تزايد ايله رك كاور طاغنىك اولكى
 حال عصيانه رجوع ايدمىچكى دركار ايدى .

بو ائانده ايسه روم ايلي جهتي كسب نزاکت و اهميت ايلش اولديغندن اكر
 باب عالي دن استيدان اولنسه شيمدى يكي دن مسئله چيقارمەنك زمانى دكلدر ديو
 جواب و يريله چكى امر اشكار ايدى .

بناء عليه باب عالي به معلومات و يرەمكسزىن همان قوه موجوده ايله فرقه اصلاحيه
 قوماندانى قورت اسماعيل باشا طاغه چيقوبده بواشقيايى استيصال ايلسى ايچون
 كندوسنه امر قطعى كوندردى . و بوايش بتنجه يەدك پياس مرعش و قوزان واطنه
 متصرفلرى كندوسنك معيتنده اوله رق فرقه جه هرنه يه احتياج حس ايدر ايسه
 همان انلره امر و يرەمى كندوسنه يازلدى او متصرفلره دخى بو مالدە مکتوبلر

کوندرلدى . ودلى فقينك باشنه يوز آلتون بها يچلوب هرکيم کتوررسه درحال نقدا ويريله چكى اعلان ايدلدى . اولوقتک حکمنجه وکاورطاغنک حالنجه يوزالتون پک بيوک سرمايه اولديغندن دلى فقينک پشنه دوشنلر چوغالدى .

اسماعيل پاشا موقعک صاربلغنى وايشک مشـکلاتى درپيش ايدرك ابتدا دوچار تلاش واندیشه اولوب معيتمده کى امرا وصايطانک اکثرى بوحرکتى تنسيب ائتمه مشلر ايسهده سوارى ميرالايى على کديچ پک تنسيب ايدوب اودخى وظيفه عسکريه سنى ايفا ايچون خواه وناخواه حرکته مجبور اوله رق التى طابور پياده نظاميه واوچ بلوک سوارى نظاميه وعساكر ضبطيه وسائر ايله دروؤجبله چيقوب طابورلرى برر ايکيشر بلوک تقسيم وتفریق ايله سورکون آغنه چيقار کي حرکت واشقيايى شديد ضرب وتنکيل واک صکره ملجألرى اولان قورت قولاغى نام محل تنکنده حصر وتضييق اتمکله دلى فقى تسليمه مجبور اولش ايسهده عسکره امنيت ايدمه يوب يوزالتون ايچون بروجهبالا کندوسنک پشنه دوشنلر چوق اولدينى جهته حلب طريقتدن دخى امين اوله مديغنه مبنى سالماحلبه کوندرملک شرطيله اسماعيل پاشايه تسليم اولوب اودخى انى تحت الحفظ حلبه کوندردى . وکولى قريه لريله جوارنده کى قريه لر اهايسنک برقمى پياس جهته و برقمى خاصه قضاسى طرفنه ايندردى . وفيا بعد اول قريه لر ايله على بکر اوغلى يوردنده اسکان قطعيا يساغ ايدلدى .

بعده اسماعيل پاشا طاغک دوام انضباطى ايچون يارپوزده مصرلى ابراهيم پاشانک اوتاق قوردى يردنه درت يوز نفر الور بر قشله ياپدى وانندن صکره اصلاحيه قيشله سنده کى عساكر شاهانه دن بوراده ياريم طابور بولنديرمىلى اصول انخاذاولندي . مؤخرا بوراده بر قريه تشکيل ايدرك جبل برکت سنجاغى متصرفلغنه مرکز اولمشدر .

اسماعيل پاشا کندوسنى اويله بر خطرلى حربه سوق ايتمش اولديغندن طولايى اول امرده کوچنديسهده مصرلى ابراهيم پاشا برجسم اردو ايله اولاشلى طاغلرينه چيقمش ايکن خائبا وخاسرا رجعت ايلش بعده چتال باش مصطفى پاشا يارپوزه چيقار ايکن بوزيلوب برچوق اسير براقش وموخرا بالاده عرض اولندينى اوزره درویش پاشا طقوز کون طقوز کيجه اولاشلى طاغلرنده طوب وتفنک ايشلتمش ورؤسای اشقيايى تسليمه مجبور ايتمشکن ينه طاغک صارب يرلنده برسولجه قالمش

اولدینی حالده اسماعیل پاشا اشقیایی استیصال ایله اصلاحاتی اکیال ایتیش اولدیغندن طولایی کرک اول حوالیجه کرک هیئت عسکریهجه بیوک صیت وشهرت قازانمش اولدینی جهتله صکره قوللرندن متشکر ومنون قالمشدر .

اول ائشاده قورت اسماعیل پاشا قوزان طاغیرینک کلیدی مثابه سنده اولان فکده دخی سکز یوز نفر الور بر قیشله یاپدی . انده دخی بر طابور طلیعه اقامه اولندی .

قوللری سوریهده ایکن قوزان اوغلی احد پاشا قوزانه دخول ایله عصیان ایتیمی اوزرینه شرفسنوح بیوریلان امر و فرمان هایون موجبجه سوریهدن حرکتله قوزانه واردیغنده فک قیشله سی مشرف خراب اولدیغندن همان تعمیر ایله یینه بر طابور عساکر شاهانه اقامه اولمشدر .

(فذلکه)

بروجه بالا کاور طاغی اشقیاسنک استیصالی ایله فرقه اصلاحیهنک باشلامش اولدینی اصلاحات تمام اولمشدر .

قوزانلور کبی اوامر دولتی اصلا طانییان و کاور طاغلور کبی خرسزلنی وجوه معیشتدن عد ایلان و کوچیه عشیرتله کبی غصب و سرقتی مدار مفخرت بیلن بونجه اهالی حالا دولته عسکر و عشر و ویرکو ویرمکده درلر . کندولری ده کار و کسبر ایله مشغول اوله رق راحت یاشایورلر .

(درد نیچی جز دانک صوکی)

